


Sel Prestuhn
Henry B. Eyring
Mwet in Kahsruh Se
Met ke Prestuhnsi Se Met



Mwe Insewowo ke Sie Tahfuh Singucul

Srihpac luhn God in use masap nuh sesr pa in ahkinsewowoye kuht. El luhngse use nuh sesr moul ma pahtpaht, mwe sang wowo se emet Lal uh (liye D&C 14:7). In eis mwe sang in moul Yohrohl ma pahtpaht oacna sucu ke tohkohsrahi luhn celestial, kuht enenuh in kuh in moulkihn masap ke tohkohsrahi se ingacn (liye D&C 88:22).

El use nuh sesr masap ke moul se inge in kahsrwe kuht ahkyohkye kuhiyac se ingacn. Masap ke sie tahfuh singucul pa sie sin masap in ahkeokomlac uh. Masap uh pa lah kuht in sang nuh sin Leum sie-tahfuh singucul ke mani nuh kwewa kuht eis uh. Arulacna fihswacsr pwacnwacng finne sie tuhlihk srihsrihk kuh in kahlwem kac. Nga liye tuhlihk uh in sang nuh sin sie pisap sie acnfuhlop ke sie tahfuh singucul ma nein sie-tahfuh singucul ke sacn ma elos eis uh.

Sie mwe insewowo ma tuhkuh ke moliyen sie tahfuh singucul fohnlah pa ahkyohkye luhlalfongi in moulkihn sie pac masap fuhlwact. In moul ke tohkohsrai luhn celestial, kuht enenuh in moulkihn masap ke kihsac. Ingoh kuht enenuh in kuh in puhla lah ma nuh kwewa kacsr ac ma nuh kwewa lasr uh ma luhn God.

Oasr inkacnek tolu ma moli sie tahfuh singucul fohnlah ke moul se inge ac ahkoekuhlac in *puhla* ma kuht enenuh in puhla in eis mwe sang ke moul ma pahtpaht uh.

Ma se met, ke kuht moli sie tahfuh singucul lasr nuh

sin Alu uh, Pahpah tuhmasr Inkuhsrao El ac okwacalah mwe insewowo uh nuh facsr. Kuhtwena mwet suc moli fal sie tahfuh singucul fohnlah uh etuh lah pwacye. Mwe insewowo uh kuhtuh pacl uh tuhkuh ke ma luhn nguhn ac kuhtuh pacl uh tuhkuh ke ma luhn mahno. Elos utuckuh ke pacl luhn Leum ac oacna ke ma El etuh muh wo nuh sesr emet uh.

Ke mwe insewowo ingacn tuhkuh uh, luhlalfongi lasr uh yohkwacliik lah God pa mwe kahsruh ke ma nuh kwewa ma wo ke moul lasr uh. Ac fihswacsrlah in liye lah ma kihsackihnyucklac uh fihswacsr in akiklen ma pwacye uh lah ma nuh kwewa ma God El orwacalah uh ma Lal. Ac oruh kuht in *puhla* tarilacna lah El siyuck sesr muhkwenan percent 10 ke ma El use tari nuh sesr uh. Oruh kuht ahkolah wo in moulkihn masap in kih-sackuhnlah uh ke ac fah siyuckyuck sesr uh.

Ahkluo, kuht nuh kwewa suc moli fal sie tahfuh singucul fohnlah uh fah *puhla* luhlalfongi yohk in siyuck sin God ke ma kuht ac sucu lasr uh enenuh uh. El olwelah mwe insewowo uh yohk liki na ma kuht kuh in eis ke yohk luhlalfongi lasr nuh ke olwelah in moli sie tahfuh singucul lasr uh (liye Malachi 3:10). Oruh sie sin mwe insewowo yohk ke sie tahfuh singucul uh pa in luhlalfongi ke ma ac sikyak ke pacl fahsruh uh. Oacna sie ma ac sikyak nuh sesr uh, ma uh fah oreklac kuh fahlac fal. Ke kuht liyacacng olwelah lasr uh,

El fah liyacacng ma Lal. Sie puhla ke mihs pa sie mwe in sewowo yohk emet ke moliyen sie tahfuh singucul fohnlah. Elos suc liyacacng masap ke sie tahfuh singucul kuh in fahkwack lah mwe in sewowo ke mihs uh pwacye ac sacohk.

Ahktolu, elos suc moli sie tahfuh singucul ac *puhla* sie kapwack ke luhngse lalos nuh sin God ac tuhlihk nuh kwewa nuhtin God uh. Yohkwaclihke ke luhngse sacn tuhkuh ke kahlwem ke ohiyacn orekmakihn luhn Pahpah ke sie tahfuh singucul ma kuht sang in ahkinsewowoye mwet ke facluh se inge ac nuh tok ma pahtpaht uh.

Ke mwet kuhlwasnsap srihsrsrihsri Sel, El ahkyohkye sie tahfuh singucul uh ke karihngihnyuck wowo. Mwet moli sie tahfuh singucul uh kahsrüh Leum muhsahelah tempuhl uh, ma sucu uh kuh in siliyucki ma pahtpaht. Mwet moli sie tahfuh singucul uh kahsrwel suhpwaclihke wosacus nuh sin mwet yen nuh kwewa uh. Mwet moli sie tahfuh singucul uh kahsrwel molwelah mwet masrinsrwacl ac kweok ke inkacnek Lal sifacna ke mwet kuhlwasnsap Lal uh. Kuhtwena mwet kuhlwasnsap ingacn kuh in fahk nuh sum luhpan yohkwaclihke luhn luhngse ke srihpen sie tahfuh singucul uh orekmakihnyuck in ahkinsewowoye mwet uh. Ac kuh pac nuh sin mwet yohk luhlalfongi la in moli sie tahfuh singucul uh.

Ahksahfye sie tahfuh singucul an pa ke mahlwem sahflah an. Nga pruhe tuh kom ac sucu lom an fah muhtwacwacack ingena in plwacni ac ahkolah in fal nuh ke mwe in sewowo ma God lac okwacnah nuh selos nuh kwewa suc kuh in fahkwack nuh Sel lah elos mwet moli fohnlah sie tahfuh singucul uh.

LUTI KE PWENG SE INGE

- Kuhtuh pacl uh inkacnek wowo se emet in luti oacna sie ip yohk pa in ahkkahlwemye (liye *Teaching, No Greater Call* [1999], 164). Nuhnkuh in siyuck sin sie mwet ke sucu an in ahkkahlwemye lah meac sie-tahfuh singucul el ahol uh. Mukul kuh muhtwacn se kuh in ahkkahlwemye ke el srwaclihke sie ip liki sie u ke ip 10 uh. In ahksahfye, nuhnkuh in sulie sie mwet ke sucu an in ahkkahlwemye ohiyac in nwacklah sie pwepuh ke sie tahfuh singucul an.
- "Mwet suc kom luti uh fah etwacnah ke wi luhn sie sin

sie an" (*Teaching, No Greater Call*, 63). Suli mwet ke sucu an in akacsrühi ma elos luhlalfongi ma Prestuhn Eyring el fahk ke pohloh kahs "*puhla* ma kuht enenuh in puhla in eis mwe sang ke moul ma pahtpaht." Nuhnkuh in sramsramkihñ inkacnek tolu ma moli sie tahfuh singucul ahkoekuhtlac in puhla ma kuht enenuh in puhla in eis mwe in sewowo luhn God uh.

MWET FUHSR

Mani Fal

Sel Fabiano dos Santos da Silva

Nga ohsun nuh sin misineri uh ke Nga yac 17 ah. Ke pacl se ingacn Nga ac tamuhlwel mahtuh se wiyuck an tuhkweni muhta. Ninac kiacsr ah misac yac met ah, ac moul uh upac na pwacye. Ke misineri uh lutiyuc ah, Nga kuh in liye lah Alu uh pa ma sefanna Nga suk lwen nuh kwewa uh. Tuhsruhke mokleyuck luhn kawuck luhk ah oruh nga in tiac som nuh ke alu ah ke Sacnri.

Sie pacl ah Nga som nuh ke sie mukwikwi luhn Alu ah ke puhlan wik sac. In liye mwet fuhsr nuh kwewa uh isrwacsr ac sritacl use nuh sihk engan luhlaph. Misineri an, wi mwet fuhsr, eis pacl wowo ingacn in lutiyuc sie lesin ke wosacus uh, ac Nga arulacna puhla wo oruh Ngan ke pacptaislac.

Tuhsruhke tukun Nga welah Alu uh ah, Nga sun ma upac uh. Nga pa mwet sefanna ke Alu ah ke ip ke mura sacn ac muhta loeslac liki lohñ in miting an. Kawuck tiac mempucr luhk an tiac sifil luhngse oruh kuhtwena ma wiyuc. Ke Nga puhla muhkahimtacl, Nga pruhe ac puhla luhngse luhn Leum.

Kais sie mahlwem, Nga eis sie luhpan mani ke mani ma ninac kiyuck ah fihliyac. Arulacna upac in karihngihnyuc sifacna ke kihtin na mani. Tuhsruhke Nga nuhnkwacnah in ahkostwen. Nga moli sie tahfuh singucul ac oacyacpac moli kahsrühr nuh ke seminary ac miting ke Sacnri an. Nga tiac kahlwem lah fuhkah, tuhsruhke sahflahiyeñ mahlwem sac, Nga sokwack lah oasr mani fal in oruh nohfohn.

Nga etuh lah ahkinsewowoyeyuck Nga ke moliyen sie tahfuh singucul. Ahkos masap se inge kahsrweyuc in eis sie fahkwack luhlalfongi fokoko, kuhlwasnsapuh sie misin, ac akihlen mwe in sewowo uh oruh Nga kuh in ahkkweye mempucr sasuc ma sun ma upac uh.

TUHLIHK

Nga Kuh In Moli Sie Tahfuh Singucul

Kalmeyacn moli sie tahfuh singucul pa in sang percent 10 ke ma kuht eis sin Leum uh. Nuhnkwacalah tuhlihk tolu oruh kain orekma tolu. Nuhnkuh ke sie eis \$1, sie pac sahyac eis \$2, ac ma se ahktolu an eis \$3. Suhmuhslah

luhpan sie tahfuh singucul luhn kais sie tuhlihk an.

Kihsen siyuck yohk: Suc kac sin mwet moli sie tahfuh singucul ingacn ma fah eis mwe in sewowo yohk uh? (In kahsrüh: Liye pacruhkrähf sahflah ke pweng lal Prestuhn Eyring.)



Ahkkweye Sucu an ke Kuh In-Sifacna luhn Mahno

Lutlutkihn kuhfa se inge ac, fin fal, sramsramkihn nuh sin tahmtahel kom muhtwacta yohroh an. Orekmakihn kihsen siyuck uh in kahsrwe kom ahkkweye tahmtahel wiyom an ac in oruh U luhn Muhtwacn in Kahsruh uh in ip utuftuf se ke moul lom sifacna an.

Ahkyohkye kuh in-sifacna—kuh in karihngihn kom sifacna ac sucu lom an—pa kunohkohn luhn tahmtahel nuh kwewa uh. Kuht ac kuh in-sifacna lac ke kuht luti in luhngse orekma, ke kuht suk kolyuck in suk inkacnek in kahsrwe kuht sifacna, ac ke kuht orekma wi mwet ke sucu uh in sun enenuh yohk uh.

Ke kuht kuh in-sifacna uh, kuht orekmakihn mwe inewowo ac kahsruh lasr uh in ahkolah ac tiac sun elyah uh. Kuh in-sifacna, ne ohinge, ac yohkwaclihk ke kuht pruhe nuh ke puhlaik in sun ke luhlahlfongi ma upac ma ac fah tuhkuh pwacye uh. Kuh in-sifacna uh oacyacpac kuh in oruh kuht in liyacacng olwelah lasr in karihngihn mwet sahyac uh.

Ke U luhn Muhtwacn in Kahsruh, lutiuyuck kuht ip yohk ke kuh in-sifacna ac mukwikwi uh. Tahmtahel uh kuh in lutlut ke ohiyacn mani, moliyen misac ke mani, in fal nuh ke orekma, ma suhmuhslah ac wosasuc uh, luti mwet sahyac in rit ac lutlut, ma ke kamputuhr, kuh in mahno, fokoko in ikoac, ahkwoyeyacn pahlah ac kwelac, u ac puhlakihn luhn mahno, ahkwoyeyacn mas, imac, orwacnah mongo ac sef mongo, ahkolah nuh ke pacl elyah, ac ma puhkantwen sahyac ma ac fah kahsrwe kuht in kuh in kuh in-sifacna.¹

Julie B. Beck, prestuhn luhlahp ke U luhn Muhtwacn in Kahsruh uh, ahkuhtweyac lah “ahkoekuhtlac sifacna ac mwet sahyac uh pa ma sikyak lah kuht pa mwet tuhma lutlut luhn Leum Jisus Kraist. . . .

Ke [ninac-kiacn-mukul tuhmuhk an] sana misac ke yac tari ah, el fihliyac ma sikyak ke kuh in-sifacna lal ke moul uh. Oasr sie pwepuh in lwelah nuh tempuhl sasuc lal ac ma suhmuhslah orekmakihnyuck wo ac puk in lutlut ke wosasuc uh. Kuht kihtaclihk in wo tuhp, pacn, ac ahlu uh ma el orek mongo kac pacl pucspucs. El fihliyac nuh sesr kahot ma el orwacnah ke mahn nuknuk uh. El luhlahlfongi ke fahk mahtuh uh ‘Orekma kuhlah, ahksahfyelah, sang in orekma, kuh oruh sahyac.’ Kuht liye luhpan mongo ma el yowwacnah, ahkolah, ac sruhkwacluh. Ma arlac emtuhng uh pa ke puk in mani srihsrihk se lal ma el sihmihs ma el sislah kuh moli ke yac pucspucs somlah ingacn. Ke srihpen suhmahtiyen moul lal an, el fihliyac kuhtuh mani lal ma el sefiyac nuh ke pacl elyah uh, ac wacngihn misac lal! Yohkiyac na, el luti ac mokle mwet sahyac ke mukwikwi ma el eis ke puhlan moul in luhlahlfongi yohk lal an.”²

Ke Ma Suhmuhsalah uh

Jon 13:34–35; James 1:27;

Mosiah 4:26; Doctrine and Covenants 29:34–35; 38:30; 44:6

Ke Ma Mahtuh Lasr

Tahmtahel ke U luhn Muhtwacn in Kahsruh uh kwacna wi ke orekma in molwelah nguhna ke mahno ac nguhn uh. Kais sie wik ke Muhtwacn ke U luhn Muhtwacn in Kahsruh fin acn Nauwoo ohsun uh, tahmtahel an ac ripohrti ke mwet ma enenuh an. Orwekeni luhn mani, mongo ac nuknuk, talan, ac pacl uh fahsrwelihk in kahsruh mwet enenuh uh. Orekma ke pwelucng in kahsrwelah kweok se inge kalweniyuck in pa orekma luhn U luhn Muhtwacn in Kahsruh ke fihl sacn.

Ke mwet luhlahlfongi uh tuhkuh nuh fin acn Salk Lake Valley, Prestuhn Brigham Young (1801–77) el sang kahs in kahsruh nuh sin tahmtahel uh in kahsruh elos suc enenuh ac in lotwelah mukwikwi ma lwelah elos in karuhnganuhlos sifacna an. EL fahk, “Luti in karihngihn kowos sifacna; elohsack mongo ac flao an, ac sefiyac nuh ke sie pacl wacngihn uh.”³ Ye kolyuck luhn pristut uh, U luhn Muhtwacn in Kahsruh uh kalweni in luti kuh in-sifacna, in karihngihn sucu, ac in ahkkweye suwohswohs la sifacna ac mukwikwi ke luhngse pwacye, luhngse nwacsnwacs luhn Kraist.

MWE KAHSRUH AN

1. *Liye Handbook 2: Administering the Church* (2010), 9.4.2.
2. Julie B. Beck, "Kunohkohn in Kahsruh luhn Prestuhn luhn U luhn Muhtwacn in Kahsruh," *Ip Yohk Srihpac ke Kahsruh ac Kuh In-Sifacna* (2009), 6.
3. *Luti luhn Prestuhn ke Alu uh: Brigham Young* (1997), 231.

1. Nga ac kahsruh fuhkah tahmtahel wiyuck ac sucu lalos uh in ahkwoye kuh in-sifacna in mahno uh?

2. Nga ac ahkwoye fuhkah kuh in-sifacna luhk ke mahno uh?

Nuh ke kuhtuh pac mwe etuh, som nuh ke www.reliefsociety.lds.org.